

HANDÎ VE DİVANÇESİ-I

Ömer ÖZKAN

ÖZET

Bu çalışma, Osmanlı kültür merkezlerinden olan Eski Zağra’da dünyaya gelmiş, 19. yüzyıl ortalarında yaşamış bir sanatkârın, Handî’nin hayatı ve divançesi üzerine kaleme alınmıştır. Böylelikle, edebiyat tarihlerinde ve kimi bazı temel kaynaklarda adından dahi söz edilmeyen bir şâir ve onun değişik vesilelerle bulunduğu coğrafyalar hakkında bazı yeni bilgiler ilim âlemine sunulmuştur.

ABSTRACT

This essay is written about artistic aspect, collected poems and life of an artist, Handî, who lived in the middle of 19 th. Century and was born in Eski Zağra, one of the cultral centrum of Ottoman Empire. So, some new information about a poet, whose name was not mentioned in literature history and in some bibliographies, and also the places in which he was located with different couses, were presented to the science world. Thus, some explanatory information were given before passing, to investigations related to poet’s life and art.

Key words: Eski Zağra, Handî, divançe

Anahtar kelimeler: Eski Zağra, Handî, divançe

Handî Efendi, Rumeli divan şâirlerindendir. Hakkında hiçbir tezkire veya tarih kitabında kayıt bulunmamaktadır. Kaynaklarda yer alan “Handî” ise 18. yüzyılda yaşamış Lefkoşalı bir şairdir ve çalışmamıza konu olan şahsiyetten farklıdır (Genç 2000; Sâlim 1315; Kurnaz vd. 2001; Özcan 1989: C.5; Süreyya: C.2; Levend 1998). Bu bakımdan, Eski Zağralı olduğunu tespit ettiğimiz “Handî”nin hayatı hakkındaki belirsizliği biraz da olsa ortadan kaldıracaklarını düşündüğümüz Divançe metni önemlidir. Yine, şâirin mürettep divanının gazeller kısmının da yayımlanmış olması (Fedai 2003), hayatı, şahsiyeti ve edebî kişiliğinin daha da aydınlanmasına katkılar sağlamıştır. Divanda yer alan, şiir takdim edilmiş ya da bir vesileyle dile getirilmiş kişiler veya olaylar Handî’nin yaşadığı dönemle ilgili bazı ayrıntıları ve yaklaşık tarihleri de ortaya koymaktadır. Divan metninde bulunan bu bilgiler(Fedai 2003), Divançede yer alan verilerle örtüşmektedir.

Tüm bu bilgilere göre Handî, 19. yüzyıl başlarında, günümüzde Bulgaristan sınırları içerisinde bulunan Eski Zağra’da dünyaya gelmiştir(Divançe:9-12:2-3; Fedai 2003:109-114). Devrin klasik ilimlerini tahsil etmiştir. Evlenmiş ve Mehmed Rauf adında bir çocuk sahibi olmuştur. Ancak bu çocuğunu genç yaşta kaybetmiştir(Fedai 1993). Hayatının tamamını Zağra’da geçirmediği anlaşılan Handî, bir müddet Kıbrıs ve Edirne’de bulunmuştur. Bu ikametlerin, bir devlet görevi gereği olması muhtemeldir. Ancak Handî’nin Zağra ile ilgili zengin ifadelerine bakacak olursak onun uzun bir müddet burada kalmış olduğu, daha sonra gurbete çıktığı sonucuna ulaşırız. 1860’lı yıllarda hayatta olan şair, ölmeden iki hafta önce kaleme aldığı iki gazeldeki ifadelerle göre, muhtemelen bir hastalık sebebiyle hayata gözlerini yummuştur (Divançe: 30-31). Ölüm tarihi ise belli değildir.

Şiirlerinde “Handî” mahlâsını kullanan şairin, Divançe’de hiç mahlâs kullanmadan kaleme aldığı bir gazeli ve Hz. Ali’ye olan muhabbetinden kaynaklandığını tahmin ettiğimiz “Ali” mahlâsıyla yazdığı bir gazeli bulunmaktadır(Fedai 1993). Ayrıca şairin, manzumelerinde Kerbelâ’dan, evlâd-ı Ali’den ve “Haydar” namıyla Hz. Ali’den ve onun

kılıcından bahsetmesi, yine bir gazelde âlem hankahına Hacı Bektâş Velî'ye ikrar eylemek için geldiğini dile getirmesi; Balkanlarda yaygın olan Bektâşîliğin, az da olsa tesirinde kaldığını gösterir.

Handî'nin, mürettep divandaki şiirlerine ek olarak, Divançe'de 57 gazel, 3 müstezat, 1 kaside, 2 terkîb bend, 1 murabba, 15 muhammes, 5 müseddhes, 2 müsemmen ve 5 tahmisi bulunmaktadır.

Divançe, Gazi Üniversitesi Türk Kültürü ve Hacı Bektâş Velî Araştırma Merkezi Başkanlığı kütüphanesinde 413 numaralı kayıta bulunmaktadır. Yazma, ciltsizdir ve yazıların bir kısmı, su tesiriyle yıpranmış ve bozulmuştur. Ayrıca, 240x165 (185x120) mm ölçüsünde, 33 varak, kağıdı âharsız ve filigransızdır. Müstensihî, şairin birlikte müşterek gazel kaleme aldığı Mehmed Şerif Remzî Efendi'dir. İstinsah yeri Eski Zağra ve istinsah tarihi ise 1277(M.1860)'dir. Şairin bazı ifadelerinden anlaşıldığına göre buradaki şiirler, mürettep divandan daha sonra, şairin ölümüne yakın bir zamanda kaleme alınmıştır.

Eserde yer alan manzumelerden bir kısmının başlıkları müstensih tarafından yanlış yazılmıştır. Nitekim bu şiirlerin nazım şekilleriyle, müstensih tarafından onların üzerlerine yazılmış adlandırma uyuşmamaktadır. Örneğin bir mütekerrir murabba gazel olarak gösterilmiş ve bir mütekerrir müseddhes tercî bend olarak adlandırılmıştır. Bu tür yanlışlıklar düzeltilerek gerekli açıklamalar dipnotlarda ifade edilmiştir. Şiirler 19. yüzyıla ait olmaları nedeniyle, günümüz Türkçesine uygun biçimde çevrilmiş ve her birinin altında orijinal metindeki sayfa numaraları belirtilmiştir. Problemlî mısraların sonuna da yıldız (*) işareti konulmuştur.

Handî'nin Divançe'de yer alan şiirleri iki bölüm hâlinde sunulacaktır. Bu çalışma gazeller dışındaki şiirleri içermektedir. 1 kaside, 2 terkîb bend, 1 murabba, 15 muhammes, 5 müseddhes, 2 müsemmen ve 5 tahmisten oluşan bu şiirler aşağıdaki gibidir:

1

Zagra-i Atîk Kadısı-zâde

Mehmed Kâmil Efendi Hazretlerine Takdîm Olan (Kaside)

Mefâîlün Mefâîlün Mefâîlün Mefâîlün

1 Eyâ hâme dem-i mu'ciz-res-i ehl-i sünûhâta

Sitâyîşle yürü tekrîm-i bahş için mübâhâta

2 Tabî'at rahşını raht-ı belâgatle edip tezyîn

Süvâr-ı mühre-i hurşîd olup çık sahn-ı ebyâta

3 Licâm-ı nushumu elden koma ser-keşlik eylerse

Reh-i maksûda nerm-rû yürü deşt-i rüsûhâta

4 Semend-i bâd-ı reftâr-ı kemâlin menzile yetsin

Yürü çık Rüstemâne şöyle meydân-ı kemâlâta

5 Cenâb-ı Kâmil'e tekâmîl-i arz-ı dil-nüvâzî kıl

Ki zîrâ tâ pezîr-i dil-pesend etmiş beyânâta

6 Hele ben de va'âdî-i sühandan olmuşum fârig

Velâkin arz-ı teklîf eylemem böyle kelân zâta

7 Cihânda hâk-veş pâ-mâl-i mihnet hâk-rû yeter kim

Budur maksûd-ı ehl-i gayr-ı echel ehl-i hâcâta

8 Biz ol hâr u has-ı künc-i tevekkül-kerde-i aşkız

Bizi takdîr koymuşdur ezelden nakş-ı bülvâta

9 Yürüt gel mutribân-ı aşkı semt-i feyz-i eltâfa

Yüzün sür hâk-i pâ-y-i hazret-i şâh-ı kerâmâta

10 Cebîn-i arş-sâ-yı hazret-i cânânı ikbâl et

Dahi müstagrak et Ka'be'yi emvâc-ı reşehâta

11 Tesennüh eyledikce nûr-ı *küntü kenzi lâ-yefnâ*

Anı bu vechile arz eyle erbâb-ı harâbâta

12 Koma elden du'âyı mest-i aşk iken bu vâdîde

Giriş eş'âr-ı pâkin Handiyâ Zagra'da isbâta

D.15

1

Beyt-i Şûh [u] Bülend Pervâzî

Nazîre-i Terkîb-Bend-i Dîvân-ı Rûhî

Mefûlû Mefâîlû Mefâîlû Feûlûn

1 Biz eşheb-i tab'-ı dil ile arbede-cüstüz

Meydân-ı muhabbetde bile hest ü ne hestiz

Leylî hevesinden geçeli hayli dem oldu

Zencîr-i cünûn kaydına mâdâm nîstiz
Şeb-tâ-be-seher aşk ile giryân-şodelikde
Bîdâr-ı fuâd-ı dil [ü] ber-şevk-i nuhustuz
Ol bârgeh-i mertebe-i şâha tutup yüz
Kâm-ı dile dest-resi olur sâhib-i dostuz
İklîm-i belâgatda bizim mesnedimiz var
Serkerde-i sâhib-i sühan suffice-nişestiz
Baht-ı bed-i nâ-kâm demişler bize ammâ
Hurşîd-i bezm-i göğümüz gibi hucestiz
Gurbetde yatar zâr u zebûnter u mesâkin
Zagra'ya gönül peyki ile nâme-ferestiz
Biz dâhil-i meyhâne dil-i pîr-i mugânız
Mest-i mey-i la'l-i leb-i şûh-ı dil ü cânız

2 Rindân-ı mey-âşâm-ı cihân ehl-i himemdir

Hem bezm ü rezimde heme ashâb-ı ilimdir
Hem ehl-i belâgat u sühan-sâz u cihân-sûz
Hem ser-i kütüb dâire-i ehl-i kalemdir
Bi'l-cümle kemâl ile mezâhir geçinirler
Mâil-şode-i gonca-i gül-bâg-ı îremdir
Allâhu şehîdü ve kefallâhu şehîden
Ehl-i basara feyz-i şehenşeh-i ademdir
Sor kâsid-i meyhâne-i ikbâl u fuâda
Câm üzre yazılmış nice rengîn rakamdır
Sâkî getir ol neş'e veren bâde-i nâbı
Meşreblerü mey-meşreb-i gülbaşî şiyemdir

Mestâne-i bezm-i ezel-i hûş ser-i hüşyâr

Hep na'ra-i mestâne urur sâhib-i demdir

Bâ-çeng kanâ'at-şode-i câm-ı şikestim

Mestim ü hem erbâb-ı hired hest ü ne-hestim

3 Bir böyle sünûhâta nice dil ola ebsem

Ger dikseler agzın olamaz hâsılı ebkem

Biz peyrev-i Rûhî-i sühan-dân-ı belîgiz

Fark eyleye erbâb-ı hüner nazm-ı müsellemler

Gül gibi sürâhî var iken elde musarrahlr

Hâcet mi var endûh-ı gam-ı dil ola haram

Hûbân-ı hayâl olmak için şevk-i derûn-sâz

Bu hikmet-i i'câz dile kim ola mahrem

Tay eyleyecek menzilimiz kalmadı âhir

Bu bâdiye-peymâda biziz hâsılı hâtem

Cemşîd ile ünvânımızın farkı füzûndur

Hurşîd iledir sâgarımız hem-ser-i a'zam

Âyine-i âfâka yazılmış adımız var

Bu sûret-i esrâr-ı Hak emr-i mahzam

Her mürşid-i meyhâne-i meslûk-ı kemâlât

Hep cehl-i mürekkebligini etmede isbât

4 Erbâb-ı fenâ meşreb-i bünyâd olayım der

Şevk-i mey-i mahbûb ile dil-şâd olayım der

Bir lahza mürekkeb yalamış agzı kararmış

Agız karalığı ile hem yâd olayım der

Sûfîlerün âlâyîşi hep sahte-revişdir

Sûretde meger mesnede isnâd olayım der

Hep hây ile hûy ile yürür sûfî-i sâlûs

Sandûka-i cân güher-i zâd olayım der

Şâ'ir geçinir ba'zı sanâdîd-i erâzil

Bî-vezn sühan sâhib-i inşâd olayım der

Var ba'zı dahi vakdi geçen şâhid-i bâzâr

Meydâna çıkıp Yûsuf'a hem-zâd olayım der

Uşşâk-ı dil-küştelere hâlini sorsan

Bir dilber için aşkıla berbâd olayım der

Ol rind-i harâbât-ı derûn-sâz-ı arakdır

Mest-i mey-i sahbâ-yı huzûzât-ı şerefdir

5 Zî kıymet olur güher-i sermâye-i sevdâ

Ol güheri kim bilmeye her ebter-i ednâ

Bu dâg-ı derûndur ki hat u hâli mehândan

Aks-âver olur sûret-i âyine-i ra'nâ

Erbâb-ı hireddir o ki öz hâleti bilmiş

Aynında anın habbe degil âlem-i ifnâ

Bir zülf-i siyehkâr dolandırdı cihânı

Dagıtdı bütün zümre-i uşşâkı ser-â-pâ

Akl ile Felâtun geçinen dil-şodegânın

Sermâye-i vâriyetini eyledi yagma

Huffâş gibi mihre nazardan ola ıskât

Ol mâh-cemâli nice görsün o kim a'mâ

Bâlâ kadine sidre bile eyledi tahsîn

Ermez o bütün sâyesine bir yed-i tûlâ

Hep sahte durur cümle sühan-senc-i ekâbir

Olmazsa eger ahd-i kavî tayyib u tâhir

6 Ol sâhib-i kudretde olan ilm-i mürüvvet

Nâ-ehl-i mürüvvet edeyim verse ne hâcet

Ol zümre-i nâ-kes ki anı eyledi inkâr

Gözde görünürken demez erbâb-ı basîret

Bak âlem-i ma'nâda neler gösterir ol dem

İsbât iledir vahdetine âlem-i sûret

Sûretde eger olsa idi bir kişi ednâ

Ol günki sa'âdet ile isbât ede sîret

Hem ol dem-i lâ-yenfa' kâl gerekmez*

Hâl ola makâl olmaya bi's-sabr u selâmet

Vâriyeti sormaz sana senden sora zâtın

Ol dem edesin kurb-ı hakâretle icâbet

Derler ne getirdin yed-i teksîb ile arz et

Ger dest-i tehî geldin ise vâý sana elbet

Biz dest-i tehîler degiliz gözle bakıla

Dest-âver olurduk bu sühan başa kakıla

7 Dolâb-ı cihânın dem-i devrinde safâ var

Derlerse ki yokdur diyene hayli hatâ var

Bu sûret-i ahsen ki nedir fark edemezsin

Ey zâhid-i hodbîn nazar et kible-nümâ var

Zâhirde cefâyı felege eyleme isnâd

Ma'nîde cefâ bildigin âlemde vefâ var

Ser-rîşte-i ser-akd-i kazâ muhkem olunca

Ol bend-i kazâya diyeler sana rızâ var
Bak şöyle şifâ-hâne-i ahkâm-ı rızâyâ
Ey haste-i bî-çâre bu derde ne devâ var
Ol hâzık-ı üstâd-ı ezeldir biliriz biz
Ehl-i ilele merhem-i ihsân sezâ var
Ol âlem-i tecrîdde var mıydı sana yol
Külfetkede-i âleme bak hüsn ü kabâ var
Ol hüsn-kabâyı giyinip bak bu ne âlem

Bu âlem-i hoş-cilve ki müşahhas-ı âdem

- 8 İkdâmını encâmını anla kaderinden
Farkı neye müncer ola hâlin eserinden
Bir mâh-likânın elini tut olasın şâd
Gark ola ser-i kûy-ı dü-çeşmin güherinden
Sıdk ile ser-i zülfüne vâbeste olursun
Ölsen sakınıp dönmeyesin şîvelerinden
Levh-i diline yaz anı esrâr-ı Hak'ı bul
Mahv olmaya ol sûret-i zîbâ basarından
Fark et görüne merdümek-i cân nazarından
Ol bedr-i likâda ola kim olmaya noksân
Tekmîl-i sıfat ola cihânın kamerinden
Kim tîr-i kazâ ger atılırsa sana bir gün
Pûlâd-ı dü-tâ olsa geçerdi siperinden
Ey zâhid-i hodbîn sakın olma nâ-bînâ
Bînâ geçinirsin velî kalbin gözü a'mâ
9 Hûbân-ı zamânın talebi sanma ki cândır

Cân olsa eger hûb degil cân-ı cihândır

Meşreblerini dersin eger şîre vü efzah

Sîm-verze harisi geçinir fi'l-i zinâdır

Ne dil-şodesinde ne bûtânında ara hâl

Her birisi billâh yine yahşı yamandır

El virme felek pâyna merkezde degil bak

Efserde zih ü saht degil bâr-ı girândır

Her kim ki meger aldana bir mâh-likâya

İsrâf-ı sıdk etse dahi hâli gümândır

Sevdim anı sâdık diyü zinhâr göyünme

Kanın döke cân almak için gözleri kândır

Âlemde güzel ol ola kim hub-ı derûnu

Fark eyleye birden bire sultân-ı zamândır

Bu pendim unutma sakın aldanma fesâda

Nakdîne-i ömrün ne revâdır gide bâda

10 Ol burc-ı belâgatda ki biz mihr-i sünûhuz

Âyine-i gîtî gibi bir feyz-i vüzûhuz

Hem tîr-i kazâ gam-zedesi olduk ezelde

El-hâleti hâzih nidelim sîne-cürûhuz

Pejmürde bir ... dinleriz sûfî-misâli

Zann eylemeyin öylece biz bâde-fütûhuz

İcmâl-i sühan nüktelerin fash ideriz hem

Dârendeye engüşt güher hâme-nüsûhuz

İçdik lebinin bâdesini bir meh-i nâzın

Fi'l-vâki' hüşyâr degil mestî-i dûhuz

Arş üzre bizim vâ yerimiz sâye-i dilde

Âvâze-ger-i velvele-i dîk-fürûhuz

Evza'-ı makâlâtımızı hâle bıraktık

Memdûha-i âmâ ile ser-nâm-ı bedûhuz

Cibrîle mü'eyyed sühan-ârâ-yı nüketiz

Ol cevher-i cân içre nihân zâtî-sıfatız

11 Her güm-şodeler müy-ı ser-i yâr ile melfûf

Etmekde durur her birisi ömrünü metlûf

Tahsîl-i merâm olmaya aksâ-yı emelin

Her bir işi şol mertebelerde kala mevkûf

Sûfi gibi biz zerk ü riyâ etmezüz izhâr

Her zerk ü riyâ levh-i kazâda ola mahfûz

Pâkize-asılız seyir-i nakş-ı nihânda

Sûretde begenmez bizi her asfer-i mecfûf

Zagra'nın eger olmasam erbâb-ı basîri

Kim kıymetimiz ref' olup eyler idik hûf

El-minnetü lillâh ki eşrâf u ekâbir

Her birisi bir kâf-ı kanâ'at gibi masfûf

Da'vâda sefihâne yürür ba'zı ekâbir

Fi'l-cümle olur dahl-i ta'arruz ile mekfûf

İşte bu sebebdan özümüz fahrla muhallâ

Bir yüzde safâ mahzeniyüz gam degil ammâ

12 Zagra'da eger olmasa efvâc-ı ekâbir

Erbâb-ı nüket eylemez arz-ı makâdir*

Sâir varasan cümlesi bî-behre ve dûndur

Erbâb-ı himem cevher-i hâlis gibi zâhir
Hep beldemizin eşref-i a'zâ-yı kirâmı
Her biri Felâtun-reviş-i hayy-ı mu'âsır
Erbâb-ı sühandan nicesi fenn-i nüketde
Deryâ-yı fesâhat u belâgatda meşâhir
Fevzî vü Hicâbî vü Emînî dahi Ulvî
Ma'rûf heme Rûm u Acem'de nice şâ'ir
Kâmûs-ı ma'ânî vü güher-pâş-ı belâgat
Envâr-ı sünûhât-ı ilâhî ile bâhir
Hiç böyle karardan cihân olmaya aslâ
Tetahhur-ı nihâdla belî tayyib ü tâhir
Eşrâr-ı zamâne bigi habbâl nidelim biz
Bî-kâide mechûl-ı meâli nidelim biz

13 Dil âlemini âkil isen eyle penâgâh

Kim anda durur bârgeh-i zât-ı şehenşâh
Kurbîyyet ise maksad eger Hakka yakın ol
İklîm-i vücûdunda gönüldür ana dergâh
Erbâb-ı fazîlet bu mezâyâ ile ma'lûm
Öz nefsin bil sen de eger var ise dil-hâh
Efvâc-ı tecâhülde bu ne sa'y u emekdir
Cehl ile bulunmaz sanemâ kurb-ı ilallâh
Bin Ka'be eger yapsan idi bulmayasın hayr
Bir dil ele alsan sana bin hayr ola nâ-gâh
Dilden sakınıp düşmeyesin kalkması müşkil
Gir bir gönüle âkil-i ârif isen ey mâh

Dil Yûsuf'unu ister isen bulmaga şâyed

Mısr âlemi dildir ki meger anda durur câh

Bu câha ki mâlik olana zevk ü safâ var

Hem zevk ü safâ âhiri maksûda bekâ var

14 Ol Yûsuf'u a'mâl-i tahâret ile kıl râm

Bu bâdiye-i vehmde hiç eyleme ârâm

Maksûdun eger vasl-ı dilârâ ise âhir

Aksâ-yı emel her ne ise bulmaga encâm

Sultân-ı serîr-i dile üstâd ede gör kim

İzhâr ... ile müş'ir ola îhâm

Makbul-şode-i dergeh-i bâlâ-yı serîr ol

Şol âlem-i bâtında meger nefis ola ilzâm

Eşrâr-ı sanâdid ile gel durma oturma

Zinhar olasin nezd-i kemâlâtda kem-nâm

Ârif geçinirsin yine ârifle otur kalk

Tâ çekmeyesin cehl-i mürekkebe ile âlâm

Bakma bu cihânın kuru mir'atına gayrı

Zîrâ ki anın aksini gördük o da esnâm

Tut bir sanemin dâmenini cân ola cânân

Cânân ki ola cân ola tâ sînede pinhân

15 Ârif geçinen olmaya lâyük ise şekde

Vâr ise egerçi nazarı sîm-bilekde

Bî-mâye olana sufi-i bezmde de dil yok

Vâr ise eger anda dahi vardır eşekde

Ger gevher-i hâlisliği kıymet-ger olursa

Töhmaleti anın belli olur belki mihekde

Bir mâhveşin cevri ni çekmek ise maksûd

Cevr odı acısı ki gerekdir ola rekde

Tutma ikilik riştesini boynuna halka

Bir başka safâ vahdeti var rişte-i yekde

Rubûdelik ahvâlini fark etmeyesin hiç

Ey sûfi elin var mıdır eyâ el etekde

Zi'n-nûr-sıfat hassa husûsunda cerîr ol

Bu hassa-i makbûl gibi bak var mı senin de

Zülfün başa takıp bizi bir şûh yerer mi

Hâl-i dilimiz dersini ilzâm ile der mi

16 Tâ derd-i serin ârif isen bağla rızâya

Her kârı havâle edegör emr-i Hudâya

Ârifsen eger bunda bitir cümle umûrun

Cehl ile havâle sakınıp etme himâye

Bu mertebe-i hüsn sıfat-ı ahsen-i takvîm

Şükürle ki virmiş bu tahassün sana pâye

İnsan ise bir kimse ki bilemeye aslın

Suretde güzel sîreti bed-gerde vü mâye

Bir dâmeni tut bir dahi göstermeye sana

Bağlan o zaman âdem olup hüsn-i rızâya

Çek vech-i beyâz ile derûn hâlini bâhir

Tâ yakma eger âkil isen ag u karaya

Her mâh-likâ ile bizim şîvemiz efzûn

Biz şimdi henüz başlamışız zevk u safâya

Biz şevk-i bütân-ı Zag(ı)ra ile görüşdük

Handî gibi hem sûhte-i aşk ile bişdik

D.9/10/11/12

2

Nevrûziyye-i Rengîn-Edâ

Terkîb-Bend

Feilâtün Feilâtün Feilâtün Feilün

- 1 Gitdi eyyâm-ı şitâ ruhsat-ı fîrûz oldu
Rasad-ı sa'd yetip âlem-i nev-rûz oldu
Rûy-ı arza döşenip fers-i zümür-rüd yekser
Tâc-ı zerrîn ile mihr cihânı gezer oldu
Giydi birden çemenistân kabâ-yı rengîni
Felek ol mertebe halka şeref-âmûz oldu
Cezbe-i âb-ı letâfetle nihâlân u şecer
Buldu bir hüsn-i tarâvet gam-ı mahcûz oldu
Gönül ol mertebe bir şevke düşüp mest-i neşât
Âteş-i aşk ile âfâk-ı dil efrûz oldu
Bürde-i bîkr-i bahâr oldu şükûfte ancak
Başdan ayaga kadar sebz ile mechûr oldu
Geldi eyyâm-ı bahâr açdı şecerler ezhâr
Berg ezhâr-ı kadehler içine oldu nisâr
- 2 Bir taraftan yürüyüp debdebe-i bâd-ı sabâ
Hep nihâlânı bütün sadmeye virdi hâlâ
Şâh-ı gül taht-nişîn oldu giyip efser-i sürh
Kurdu dîvân-ı hümayûn riyâz içre becâ

Yazdı yâkûtî kalemlerle irâde varaka
Oldu ol emr-i sa'âdetde mutî'-i dünyâ
Sâye-i gülde durup gonca-lebân reşk eder
Davranıp hançerine muhteşem-i hâr u cefâ
Ayak altında kalıp bülbül-i hayret-zedegân
Her biri aşk ile tûtî gibi oldu gûyâ
Boynu egri ser-i zülfüne benefşe-beste
Sünbül ol mertebe hâl u hatına dîde-güşâ
Nergis açdı gözünü dîde-i mest-i yâra
Dökdü şebnem gibi göz yaşı dil-i dildâra
3 Servler nâz u nezâketle salınsın yer yer
Tîg-i sûsen ola takvîyet ile sîne-güzer
Cûlar ayagına aksın demidir hûbânın
Görüp İbrâhîm Etem kiblesini terk eder
İlm-i hikmet okudu dersini bülbül şeb ü rûz
Kendi bu tantana-i ilm-i Kaliptîse kadar
Tûg-ı şâhî alemin başı aşağı tutdı
Âfitâb-ı ruh-ı dildâra döner nîlüfer
Lâle dâg-ı dil olup sîne-i uşşâk gibi
Bûy-ı lutf ile cihânı koku dürdü nester
Allahım bu nice şevk-âver-i cândır bilemem
Serv-kâmetler ile âlem-i rûz-ı mahşer
Hamdû lillâhi bugün esdi nesîm-i himmet
Ebr-i nîsânı getirdi katarât-ı bereket

4 Mevsim-i muhterem-i bâg-ı bahâr irdi yine

Şâhid-i subhı dahi etdi güşâde sîne
Mihreveş hûbların ruhları pür-nûr oldu
Merkezinde rasadın gösterip âb-ı kîne
Ebr-i himmet süzülüp geldi hemân sâye gibi
Gevher-i jâlesini dökdü gül-i nesrîne
Anberîn hâl-i hatâ mihr-i dehân keşf oldu
Giydi zerrîn-i katîfe çiçeği peşmîne
Zühre raks eyledi şeb-tâ-be-seher şevkından
Müşterî diviti ile'ide tutar âyine
Kehkeşân şer'-küşâlıkla güher-pâş oldu
İki yanda tolanur ebri hemân pervine
Şâh-ı hâver yürüyüp debdebe-i haşmetle
Oturup arşına Belkîsî bu germiyetle

5 Handiyâ Hazret-i Râzî-i zemîn-pîrâye

Bu bahâriyye-i rengîni çekip inşâya
Hâk-i pâyına takaddüm abes ammâ dil-hâh
Eyledim hayli zamândan beri bast-ı vâye
Zagra'nın hûbları hüsnü gibi dil-i pür-şevk
Kara saçı gibi dûş oldu gönül sevdâya
Âlemin şâh-ı sühandânına inşâd ile
Eyle tahzîr-i mey-âbın edeb-i bâ-pâye
Gevher-i hâlisi Meriç gibi eyle revân
Tâ Edirne'ye degin aka gide bîdâye
Nehr-i Tunca gibi pâyına dökülsün eşkim

Varıp ol fâris-i meydan-ı fesâhat vâye

Reşehât-i kalemim hazretine arz u niyâz

Hâlden dem ura eyleye himem-i ihrâz

D.12/13

3

Bahâriyye-i be-Takdîm-i Hâcegân-ı Dîvân-ı

Hümâyûn be-Tahrîrât-ı Kâtib-i Edirne

Mustafa Râzî Efendi

Feilâtûn Feilâtûn Feilâtûn Feilûn

1 Yürü ey bâd-ı tabî'at-zede-i şâd u hurrem

Ferah-âbâd ola evhâm-ı şitâdan âlem

Açıl ey perde-i nevrûz-ı nihâd-ı âdem

Hükm-i destûra gire bülbül-i cân-ı hoş-dem

Başlaya nagmeye sâzende-i bezm-i mahrem

Âlem-i âb coşa câna ire feyz-i şebnem

Mevsim-i âb u hevâ oldu bakın a zîrâ

Ârız-ı hüsn-arûs-ı çemenistânı görem

2 Serv-i gül giydi hele sündüs ü istebrak fâm

Sâyesinde kurulur bezm-i piyâle-âşâm

Goncanın her biri bir şûh elinde tolu câm

Bâdesi şebnem ü leb-reng müzâbı ibrâm*

Abherin çeşmi açıldı dile dâg-ı idgam

Oldu mir'at-ı menişden hele def-i âlâm

Minnet ol Hâlik'a kim geldi bahâr eyyâmı

Her şecerden açılıp ezher-i nûr-ı mübhem

3 Kûh-ı sıbyân bütün çıkıdı kemân-ebrûlar

Başladı cebr-i dile düşmeye hep âhûlar

Nehr başına bezim açıldı melâik-hular

Su kenârı dem-i devrânı diye gül-rûlar

Subh-dem bâd-ı sabâ her birini karşılar

Akmada pâ-yı cüvânâna yüz üzre sular

Belki bir bûy-ı visâl almaga şâyed kasdı

Tûg-ı şâhî ser-i hûbâna müşâbih bir alem

4 Sünbül âzürde benefşe ise ber-efsürde

Bıkr-i mazmûn-ı safâ eyledi ref'-i perde

Kad-i şimşâd yeşiller giyinip perverde

Bîdler fer'-i zümürred uzadıp her yerde

Nahl-i dil-cûları gör bâd-ı sabâ âverde

Hüsn-i Yûsuf'la Züleyhâ-yı zamân gam bir de

Keşf-i hüsn eyledi sultân-ı bûtân-ı ma'nâ

Feth olup suffe-i peygûle-i sahrâ-yı adem

5 Şâd olup şâh-ı tabî'at hele açdı şevket

Buldu eyyâm-ı safâ saltanat-ı germ-i ülfet*

Kurulup rûy-ı zemîne dahi taht-ı izzet

Mihri tâc eyledi başında refâh-ı gayret

Gögsüne asdı nişân gibi mehi hûb-sıfat

Çıkıdı saf-beste bu meydâna mükibbe-himmet

Şeceristân rikâbında saf-ârâ tutdı

Buldu gül mesned ile pâye-i sadr-ı a'zâm

- 6 B lb l  h ce-i fetv -yı ma' n  g rd m
Bezm-i devletde anı h tib-i s n  g rd m
L leyi h km-i vez retde nih n  g rd m
S nb l  sadr-ı m   r de ay n  g rd m
G l-i nesr ni fer k eyledi ya'ni g rd m
Nil fer m r-liv  ben o civ n  g rd m
Mihr-i h sne o da bir    k-ı   ft de hen z
Y z n  y z ne kar   tuta g rs n o sanem
- 7 M ral y oldu g l-i F t m -yı b  -ı cem l
Ol teber-   h kılı  olanda belinde fi'l-h l
K im-i izz   mak m oldu karanfil ho -h l
Ser-hez r eyledi rey n  naz m 'l-e   l
Le  ker-i sa f-ı   k  fe bulıcak nazm-ı me l
 ekdi taburunu gam le  kerine tutdu kit l
Hele bir hamlede t r c u hez met buldu
Cennet- b d  edip feth sipeh-i mufahham
- 8 Zagra sahr -yı bah rında kuruldu bu r s m
Kıldı Cibr l-i muhabbet bu r s mu mecz m
H mesinden d k l p nokta-i ilm-i ma'l m
Bezm-i y r n-ı cef ya ben ise oldum m m
 lem-i kesret-i b   neye kıldım melz m
K   e-i vahdeti z t ile ben etdim mekt m
Zagra-tek ehl-i hased milleti koy re   etsin
S ylerim her ne gelirse dilime b -garazam
- 9 Mecma'-ı suffice-i adliyye-i adl-g ster*

Ya'ni a'zâ-yı kerâmet-gerî-i ehl-i zafer

O da kürsî-i Edirne'ye muvâfık hem-ser

Eyledim ben dahi mazmûn-ı uyûn-ı zîver

Bu meâl ile şu erkâna şehâ eyle nazar

Böyle âyîn-i mübârek ki bulunmaz ekser

Cümle eşyâ suyunu buldu o semte akarak

Dagılup bûy-ı şerefle o civânî perçem

10 Hazret-i Râzî-i Cürcânî-i zü-fazl ü kemâl

Bezmine râbîta-i sıdkım ola işbu makâl

Görmedim böyle karardan şeref-i bî-emsâl

Ol Aristo-yı felek-mertebe-i istihlâl

Zâtına feyzi gûsârîne-i şâh-ı iclâl

Câh-ı sermed bula maksûdı karâr hem hoş-hâl

Bu bahâriyyeyi ol zât-ı şerîfe yazdım

Ümerâ medhi ile öyle resîde munazzam

11 Hazret-i Mîr Mehemmed ki müdür-i Zagra

Biri Ârif Beg o bâ-pâye-i dergâh-ı alâ

Hazret-i Mîr Emin muhterem-i ehl-i zekâ

O müderris-i kirâm [u] o zarâfet-ârâ

Zât-ı me'mûr-ı zirâ'at o cenâb-ı vâlâ

Her biri nâmı Felâtun ile mesned-pîrâ

Kâtib-i mâliye-i Zagra cenâb-ı Fevzî

Sâhib-i mâlik-i mushafçe-i imzâ vü kalem

12 Tîg-i hâmem yed-i evsâfa geçip merdâne

Rahş açıp mihr-i cihân-tâb gibi her yana

Şehsüvâr-ı felek oldum hele bir devrâne

Leşker-i kuvvet-i tab' ile çıkıp meydâne

Eyledim kasd-ı sipâh-ı gama yâne yâne

Mülk-i ma'nâyı kılıp feth bugün ferzâne

Handiyâ mesned-i evsâf-ı belâgat-i Hızr

Ben de oldum bu fesâhatle emîrû'l-âlem

D.13/14

4

Müsemmen-i Hasret-i Dil

Feilâtün Feilâtün Feilâtün Feilün

- 1 Subh-ı şevkinle nola nâle vü efgân ederim
Hicr-i haddin ile [dil] murgunu nâlân ederim
Felegi hasret ile şöyle ki giryân ederim
Seni ansam yakarım âteş-i sûzân ederim
Ser-te-ser yeryüzünü gül gibi al kan ederim
Hâk-ı zerrât-ı zemîni heme gülşen ederim
Âh edersem yakarım âlemi vîrân ederim
Dilberâ bâşına bu dünyâyı zindân ederim
- 2 Gel bana âyine-i çarhı siyâh etdirme
Sûret-i dîgere gel böyle nigâh etdirme
Melce'im sensin eyâ gayra penâh etdirme
Dem-be-dem düşmen-i bed-hâha refâh etdirme
Bana sad âh-ı derûn hâh nâ-hâh etdirme
Yüzüne karşı begim hem bana âh etdirme
Gonca-veş rîzesini çâk-ı girîbân ederim

Eşk-i elem ile her câyı gülistân ederim

3 Ben gibi sana aceb bende-i sâdık var mı

Âşık istersen eger ben gibi âşık var mı

Seni medh eyleyecek şair-i fâ'ik var mı

Acebâ Zagra'da erbâb-ı dakâyık var mı

Mahzen-i gevher-i esrâr-ı hakâyık var mı

Ben gibi tab'-ı şerîfine muvâfık var mı

Pes simurg gibi başına cevalân ederim

Âh edersem seni ben hâk ile yeksân ederim

4 Dikkat ile nazar et ben kuluna dil-hûnum

Sanma ey şûh bu günlerde beni memnûnum

Yanarım aglaram ey âh sana meftûnum

Dem-be-dem sen saçı leylâya meded mecnûnum

Gayrı var mı nazarımda sana dûn efzûnum

İltifât etmediginden eyâ kim mahzûnum

Göz yaşımla bu cihân mülkünü tûfân ederim

Şöyle kim yeri göğü âlem-i ummân ederim

5 Geleliden bu diyâra seni ey mâh seni

Sevdim ammâ nideyim gel yeter aglatma beni

Kimseye benzedemem hâsılı sen sîm-teni

Sana pek yandım a zâlim kanı insâf kanı

Boynuna halka-be-gûş eyleye Handî resmini

Sevmedim bir sana benzer gül-i nâzik-bedeni

Seni sevdim ise bu âlemi cûyân ederim

Âteş-i aşkım ile sînede sûzân ederim

5

[Mütekerrir Müseddes]

Fâilâtün Fâilâtün Fâilâtün Fâilün

- 1 Abd-ı hâsam sen gibi bir pâdişâhım var benim
Bârgâh-ı hazretin gibi penâhım var benim
Derdimi kan aglasın iki gözüm var benim*
Bâb-ı ihsânında yâ Rab her gün âhım var benim
Bilirim ben haddimi cürm ü günâhım var benim
Elde zem var böyle bir baht-ı siyâhım var benim
- 2 Çekdiğim mihnet aceb ol rûyu mâhımdan mıdır
Râzımın fâş olduğu baht-ı siyâhımdan mıdır
Bu elem ol iki kaşı kible-gâhımdan mıdır
Bin gün âh etdiklerim ol bir günâhımdan mıdır
Bilirim ben haddimi cürm ü günâhım var benim
Elde zem var böyle bir baht-ı siyâhım var benim
- 3 Cümledir alçaklığım bilmem ki noksânım mıdır
Fâş eden halka beni derdim mi dermânım mıdır
Gönlüme hasret salan cânım mı cânânım mıdır
Böyle âteşler saçan tenim mi ya cânım mıdır
Bilirim ben haddimi cürm ü günâhım var benim
Elde zem var böyle bir baht-ı siyâhım var benim
- 4 Gün-be-gün hor etmede âlem içinde kıymetim
Dem-be-dem artmaktadır başımda derd-i mihnetim

Bir nefes içre bozuldu bilmedim cem'iyetim
Tarfetü'l-ayn içre yüz döndürdü mâh-ı tal'atim
Bilirim ben haddimi cürm ü günâhım var benim
Elde zem var böyle bir baht-ı siyâhım var benim

- 5 Kâziyü'l-hâcât sensin ey Kerîm-i bî-zevâl
Ben ki bir mûr-ı za'îfim sen Rahîm ü zü'l-celâl
Hasret-i cânân ile kaldım hayâl-ender-hayâl
Kimseden imdâd yok senden meger lutf-ı kemâl
Bilirim ben haddimi cürm ü günâhım var benim
Elde zem var böyle bir baht-ı siyâhım var benim

- 6 Eşk-i pür-hûn-ı dü çeşmim Handî'ye eyle nazar
Sensin ebsâr-ı ma'ânî sırrına nûrû'l-basar
Şâd u handân ol dilâ dayandığın kimdir meger
Pâdişahlar pâdişâhıdır bu da gelir geçer
Bilirim ben haddimi cürm ü günâhım var benim
Elde zem var böyle bir baht-ı siyâhım var benim

D.4/5

6

[Müseddes-i Mütekerrir] 2

Mefâîlün Mefâîlün Mefâîlün Mefâîlün

- 1 Kemâl-i dikkat-i tâm ile âlemde gezen yer yer
Gıdâ-yı âb u dâne devşirir nân u nemek ter yer
Süleymân olsa âhir hâke üftâde olur ser yer
Kimi mahrûm-ı rûzî kimi tûtî gibi şeker yer
Reg-i fass-ı nigîn bir nâm için bin zahm-ı neşter yer

Düşenler kayd-ı nâma çarh elinden hayli hançer yer

2 Temâşâ eyle ibretle cihânda halk-ı Hallâk'ı

Birer birer konup göçer kamu âlem degil bâkî

Bir ayak üzre câm-ı aşkı devr eyle hemân sâkî

Ki zîrâ anladık bu gerdiş-i eyyâm-ı âfâkı

Reg-i fass-ı nigîn bir nâm için bin zahm-ı neşter yer

Düşenler kayd-ı nâma çarh elinden hayli hançer yer

3 Gönül al bâde iç mahbûb sev zevk eyle dünyâda

Tevakkuf etdigin müddetçe işbu kahr-peymâda

Sakın bu saydgehde dâm-ı kahra olma üftâde

Eger âkılсан itmâ'-ı cihânda olma üftâde

Reg-i fass-ı nigîn bir nâm için bin zahm-ı neşter yer

Düşenler kayd-ı nâma çarh elinden hayli hançer yer

4 Halâs et başını bir vech ile âlâm kaydından

Safâ sür fârigü'l-bâl eyle subh u şâm kaydından

Rehâ bul ârif isen evvel ü encâm kaydından

Husûsâ olmayasın gark-ı gam kec-nâm kaydından

Reg-i fass-ı nigîn bir nâm için bin zahm-ı neşter yer

Düşenler kayd-ı nâma çarh elinden hayli hançer yer

5 Cihânın hükmü âlâm-ı cefâ ile mürettebdir

Bu âlâyışle üftâde olanlar tîre-mezhebdir

O kim kayd-ı umûra mübtelâdır dûn-ı kevkebdir

Nazar kıl Handiyâ lâ-kayd-ı âlem bâde-meşrebdir

Reg-i fass-ı nigîn bir nâm için bin zahm-ı neşter yer

Düşenler kayd-ı nâma çarh elinden hayli hançer yer

7

[Müseddes-i Mütekerrir] 3

Fâilâtün Fâilâtün Fâilâtün Fâilün

- 1 Hikmet-i *dünyâ* ve *mâ-fîhâ*ya ey dil gam yeme
Bagla başın ukde-i zencîr-i emr-i muhkeme
Tâlib-i matlûb sensin düşme endûh [u] gama
Bil *nefahtü fîhi min rûhî* muzâf oldu heme
Rûh-ı a'zâm sığmaz iken on sekiz bin âleme
Bir nazar kılınca sığdı cism-i pâk-i âdeme
- 2 Arş-ı kürse seb'a-i seyyâreye eyle nazar
Her biri bir merkez üzre devr eder şâm [u] seher
Cevher-i hâk-i mücessemdir makâm-ı mu'teber
Cümlesi bir katreye sığdı budur kâf-ı kader
Rûh-ı a'zâm sığmaz iken on sekiz bin âleme
Bir nazar kılınca sığdı cism-i pâk-i âdeme
- 3 Bunca âlemler ki geldi geçdi ana sığmadı
Mâ tekaddüm cûşa geldi *kün fekâna* sığmadı
Murg-ı lâhût olduğu dem âşîyâne sığmadı
Hadd u pâyanı bulunmaz lâ-mekâna sığmadı
Rûh-ı a'zâm sığmaz iken on sekiz bin âleme
Bir nazar kılınca sığdı cism-i pâk-i âdeme
- 4 Dedi *bel-ahyâü minküm zâtın* âyete sezâ
Yuhricü'l-hayye mine'l-meyyit rumûzun bil şehâ

İki vech ile bilindi nûr-ı tevhîd-i Hudâ

Birliğin isbât için kurdu bu nakşı Handiyâ

Rûh-ı a'zâm sığmaz iken on sekiz bin âleme

Bir nazar kılınca sığıdı cism-i pâk-i âdeme

D.6

8

Tazmîn-i Müfred-i Mezkûru

Fâilâtün Fâilâtün Fâilâtün Fâilün

- 1 Rûtbe-i bâlâ umûr-ı câvidânımdır benim
Kûşe-i gamhâne devlet-i zamânımdır benim
Mülk-i hestî-i safâ saf beyânımdır benim
Küfr-i zülf-i sâkî-i vahdet imânımdır benim
Ben müşîr-i bâdeyim sâgar nişânımdır benim
Sâkî-i gül-çehre gûyâ müsteşârımdır benim
- 2 Böyle kânûn eylemişdir hükm-i hakem-i elest
Ol sebebdan ben de oldum aşkıla âdem-perest
Eyledim pervâne-i ulvî-i râyım la şikest
Teşne-i feyz-i îlâhî mülk-i cismim etdi mest
Ben müşîr-i bâdeyim sâgar nişânımdır benim
Sâkî-i gül-çehre gûyâ müsteşârımdır benim
- 3 Her neye nezzâre-keş oldumsa cânâ câ-be-câ
Âlem-i gabrâ bütün gevher kesildi bî-bahâ
Merdüm-i hûn-bâşdır âyîne-i ibret-nümâ
Sâkiyâ ibretle bak sen dinlemem mîr-i livâ
Ben müşîr-i bâdeyim sâgar nişânımdır benim

Sâkî-i gül-çehre gûyâ müsteşârımdır benim

4 Lâleden aks eylemişdir neşvesi câm-ı rahîk

Tîre tîre eylemiş yüzünü yâkût-ı şakîk

Menşe-i esbak gerekmez nehc-i tensîk-i atîk

Sûret-i mensûr ile olmam dönüp şimdi ferîk

Ben müşîr-i bâdeyim sâgar nişânımdır benim

Sâkî-i gül-çehre gûyâ müsteşârımdır benim

5 Ceyş-i gamla eyledim bin ictihâd-ı arbede

Ol zamân açıldı a'mâlimde genc-i müs'ade

Karşı koydum rindlikde ebced ile hevveze

Mezhebimdir Handiyâ mülk-i müdür-i meykede

Ben müşîr-i bâdeyim sâgar nişânımdır benim

Sâkî-i gül-çehre gûyâ müsteşârımdır benim

D.18/19

9

[Mütekerrir Müseddes]4

Fâilâtün Fâilâtün Fâilâtün Fâilün

1 Böyle bir sevdâya dûş oldum başımda diye yâd

Her nefes fikr-i ser-i zülfüyle yârin gam ziyâd

Şâm-ı gamın edemem bir vech ile müşkül güşâd

Uyhu girmez aynıma hâtırdadır ol gül-nejâd

İntizâr etdim bu şeb içre olunca bâ-midâd

Çıkmadı hurşîdim eyâ oldu mu vaktü't-tenâd

2 Zümre-i ikbâlimi gördüm henüz meksûfdur

Akl u fikrim çarh-ı bî-minnet ile meslûfdur

Gün bugün hâl-i dîger-gûnum benim ma'rûfdur

Hâb-ı râhat münselibdir dîdeden mahzûfdur

İntizâr etdim bu şeb içre olunca bâ-midâd

Çıkmadı hurşîdim eyâ oldu mu vaktü't-tenâd

3 Zulmet-i deycûr-ı hasret kâkül-i şîrîz ile

Bana bir dâg-ı derûn oldu cefâ iz ile

Münferik olmam gönül bu âh-ı subh hayîz ile

Aglarım hâlim hayâl-i yâre nahvet-rîz ile

İntizâr etdim bu şeb içre olunca bâ-midâd

Çıkmadı hurşîdim eyâ oldu mu vaktü't-tenâd

4 Kûşe-i firkatde mehcûrât-ı ber-gencîdeyim

Subha dek bülbül misâli dem-be-dem nâlîdeyim

Akl u fikrim kalmadı bilmem nidem bir şeydeyim

Kasr-ı ümmîdim yakıldı ol kadar rencîdeyim

İntizâr etdim bu şeb içre olunca bâ-midâd

Çıkmadı hurşîdim eyâ oldu mu vaktü't-tenâd

5 Geceler Handî ne çâre dîde-i encüm şümâr

Göremez hâl-i hayâl-i yâre teşbîhe medâr

Gayrı bir sûret-nümâ keşfine etmez iktidâr

Bir kara sevdâ durur başımda fikr-i zülf-i yâr

İntizâr etdim bu şeb içre olunca bâ-midâd

Çıkmadı hurşîdim eyâ oldu mu vaktü't-tenâd

D.29/30

10

[Muhammes][5](#)

Feilâtün Feilâtün Feilâtün Feilün

...

- 1 Ey kemân-ebrû çeker de nighinden nice ok
İşledi acısı tâ cânıma cismim mahrûk
Ben günâh eylemedim sana niçin cevrin çok
Bilirim Zagra'da bir sakınacak kimsen yok
İltifât et bana dînün için îmânın için
- 2 Sen dururken kime dil ede penâh iki gözüm
Gayrı dilber sevemem işte güvâh iki gözüm
Hak gönül mülküne etmiş seni şâh iki gözüm
Yeter aglatma beni aglaram âh iki gözüm
... kıl Handî'ye gel başın cânın için

D.2

11

Muhammes-i Digerî

Fâilâtün Fâilâtün Fâilâtün Fâilün

- 1 Çıkdı gitdi ok gibi kaşı kemânım gelmedi
Terk edip şehri rahatını revânım gelmedi
Kesdi tâb [u] tâkatim ârâm-ı cânım gelmedi
Bezm-i mey âmâde idi nev-civânım gelmedi
Gün dogunca bekledim ol meh-nişânım gelmedi
- 2 Koydu gönlüm hasret ile derd ü endûh [u] gama
Gözlerim yollarda kaldı gark olup hûn-ı neme
Zerre görmem dünya-i vâriyet-i âlem neme
Taht-gâh hazırladım gönlüm o şâh-ı âleme

Yollarında bekledim hep âlî-şânım gelmedi

3 Yokdur efsâk-ı mürüvvet gamze-i dil-dûzda

Gör ne te'sîr-i harâret vâh-ı âh-ı sûzda

Bin şîrâze nâbî buldum sevb-i sûzân-dûzda

Da'vet-i seyr-i çemenzâr eyledim nevrûzda

Salınıp nâz ile ol serv-i revânım gelmedi

4 Ben sanırdım cân-ı cânım hazret-i cânânımı

Tâ ezelden şevk ile virmişdim ana cânımı

Geceler gûş etmek ister nâle vü efgânımı

Böyle cevri etmek ile kat' eyledi dermânımı

Neyleyem âh yerine tâb u tûvânım gelmedi

5 Va'd kıldı gelirim bezme diye ol dil-şiken

Handî'ye teklîf-i da'vet etdi ol şîrîn-sühan

Gitdi tâ ki gelmeyivirdi sebep bilmem neden

Yollarında eşk-i hasret dökdüğüm ayb eylemen

Ol gözüm nûru ciger-pârem emânım gelmedi

D.4

12

[Mütekerrir Muhammes][6](#)

Mefûlû Mefâîlû Mefâîlû Feûlûn

1 Gör tâlî-i bî-sûdumu âh iki gözüm âh

Kıl hâl-i diger-gûna nigâh iki gözüm âh

Sen ol bu makâlâta güvâh iki gözüm âh

Ol serv ayagın eyle penâh iki gözüm âh

Bakma digere etme günâh iki gözüm âh

- 2 Dîdâr temâşâsını ey dîde tamâm et
Âriflere şol vech ile hem bast-ı kelâm et
Nüzhetkede-i vahdet-i cânânı merâm et
Seyr etmege kendine diger vechi merâm et
Bakma digere etme günâh iki gözüm âh
- 3 Ol iki gözüm koruna kıl arz-ı muhabbet
Her bir nigehinde ederek sarf-ı basîret
Seyr et ne beyân etse gerek âlem-i hikmet
Bu yüzde mükâşif durur âyine-i vahdet
Bakma digere etme günâh iki gözüm âh
- 4 Cân gülşenine vaz' kıl ol serv-i nihâli
Âyine-i çeşminde nihân et ruh-ı âli
Çek başına ki tâc-ı şehi câh-ı celâli
Bakma hazer et görme sakın sahte hayâli
Bakma digere etme günâh iki gözüm âh
- 5 Ma'nâ cihetinde ruh-ı cânâna nazar kıl
Ey Handî cemâl-i şeh-i hûbâna nazar kıl
Şol sûret-i âyine-i insâna nazar kıl
Gün gibi beyân sûret-i Rahmân'a nazar kıl
Bakma digere etme günâh iki gözüm âh

D.5

13

Muhammes-i Dîgerî

Mefâîlün Mefâîlün Mefâîlün Mefâîlün

- 1 Sözüñ cânlar verirdi tûtî-i şeker-şikenlikde

Lebin îsîlik eyler mu'cizât-ı işve-zenlikde

Dehânın mürdeler ihyâ eder nâzik bedenlikde

Sen eyâ mihr ü mehden pâksin sen sîm-tenlikde

Ki gûyâ zühreveş bir goncasın sahn-ı çemenlikde

2 Sen ol tûbâ-kade sakınmış idi nâz-perverler

Dolanmış dâmen-i ismetde kalmış verd-i nesterler

Fezâ-yı işvede cevân eden serv-i sanevberler

Sürerken her taraftan sürü sürü âhu engerler

Nice âhû-beçe sayd oldu sana yâsemenlikde

3 Firâk-ı hicrini seyreyleyen cânında bilirdi

Giriftâr-ı ser-i zülfün olan ayaga neylerdi

Gören gözler cemâl-i bâ-kemâlin vasfın eylerdi

Züleyhâ'dan işitdim hakkına hep böyle söylerdi

Sana benzer bulunmaz Yûsuf-ı gül-pîrehenlikde

4 Bu rütbe şa'sa'a hüsnün hakkında tutdu dünyâyı

Mülûk-ı heft-kışver medh edersin kadd u bâlâyı

Başına tavk idinmiş çîn-i zülf-i ejdehâ-sâyı

Kokutmuş nâfe-i pür-müşk-i terle zîr u bâlâyı

Bir âhû-dîde sayd olmuş sana dün nesterenlikde

5 Felekde mihr ü meh bir kerre rûy-ı âlını görmüş

Ene'l-Hak söylemiş her biri hüsn-i hâlini görmüş

Açılmış nice bin Mansûr bâl-i bâlini görmüş

Nice şevketdir ol haşmetde hatt u hâlini görmüş

Nice Sâm u Nerîmân nîzeye geçmiş dikenlikde

6 Bu makta'da meâl anlayana ma'nâ-yı rengînle

Getir ol gevher-i nâ-yâbı Handî vâsf-ı temkînle

Dür-efşân eyle hakkında hayâl-ı dürr-i sîmînle

Zebân-ı kıl ile bin kafı yar mazmûn-ı şîrînle

Sen ol meşhûr-ı âmsın hezarân-ı kûh-kenlikde

D.5

14

Muhammes-i Berây-ı Hasret-i Cânân

Fâilâtün Fâilâtün Fâilâtün Fâilün

- 1 Tende tâkat kalmadı tâb u tüvânım kandadır
Kanda ol sermâye-i ârâm-ı cânım kandadır
Dogmadı şeb tâ-seher mâh-ı nihânım kandadır
Serv-i şeh-bâlim idi tâze fidânım kandadır
Görmedim kaç gün o hurşîd-nişânım kandadır*
- 2 Âşık oldum bir iki gün dîdeler rûşen idi
Zevk u şevk ile bu dünyâ bizlere mesken idi
Bezm-i vuslat germ idi hatırcığım içen idi
Zevk-i sohbetle o dem bî-çâre gönlüm şen idi
Kanda şimdi bilmem ol kaşı kemânım kandadır
- 3 Ayrılık dedikleri nâr-ı cehennemden katı
Âşık-ı sâdıklara yokdur bu çarhın ruhsatı
Kesb eder hicrân belâsından bu gönlüm hâleti
Hâtırım âyînesi göstermez oldu vuslatı
Söylemez oldu ya ol tûtî-zebânım kandadır
- 4 Terk-i cân etdim cemî'an vârdan düşdüm cüdâ
Bülbül-i hasret idim gülzârdan düşdüm cüdâ

Zülfünün Mansûr'u iken dârdan düşdüm cüdâ

Ağlayım tâ haşr erince yârdan düşdüm cüdâ

Kandadır ol salınan serv-i revânım kandadır

5 Ey felek lâîk midir böyle bütün giryân olam

Derde düşüp mübtelâ-yı hasret-i hicrân olam

Gece gündüz ağlayım bülbül gibi nâlân olam

Hasret oldum yüzine karşı hemân handân olam

Handiyâ bûy-ı vefâ-yı gül-sitânım kandadır

D.6/7

15

Muhammes-i Diğer Gûyed

Feilâtün Feilâtün Feilâtün Feilün

1 Nola geldin ise bu külbe-i beytû'l-hazene

Düşdü birden gözümüz tâze vü ter nesterene

Dil sarıldı nola sen Yûsuf-ı gül-pîrehene

Nazarım tefrika vermez dahi her sîm-tene

Eyleye âhım eser sen gül-i nâzik bedene

2 Ey meh-i burc-ı vefâ arzada nâm eyle

Tal'at-ı mihrin ile âleme ahkâm eyle

Emelim noksânı bir vech ile itmâm eyle

Mevsim-i zevk u safâdır biraz ârâm eyle

Yürü ey serv-i sehî kûy-ı fezâ-yı çemene

3 Harekât-ı ademi eyleye belki ifşâ

Her zamân işler odur gayb eder anı inhâ

Arada perde ki var ene demişler ma'nâ

Hâl-i dil tercüme eyler beni de dahi sana

Bakma sen söyleyene bak kim odur söyledene

4 Dâmen-i mekremete yürü uzat dest-i taleb

Ne imiş anla bu varlıkda müsebbible sebeb

Şebnem ü bâd u sabâ mihr ü meh feyz-i neseb

Güldeki feyz-i tecellî nereden geldi aceb

Eyle ibretle nazar muttasıl ol gül dikene

5 Aşkdır cümleye feyz-âver-i a'lâm-ı metîn

Ya'ni her nesneye cârî vü muhît oldu hemîn

Feyz-i rahmetdir o kim sana olunmuş ta'yîn

Handiyâ eyledi dil bülbülünü mest ü hazîn

Eylemiş kendini teslîm o gonca dikene

D.8

16

Muhammes-i Diğer Gûyed

Mefûlû Mefâîlû Mefâîlû Feûlûn

1 Ben âşıkım ol dilbere bin cân u yürekle

İşte bu sebeb arbedemiz var felekle*

Yokdur bir işim cennet ile hûr u melekke

Ol zülf-i siyeh-kâr gönül tutmada dekle

Bir târını al destine tut bari yedekle

2 Bir neşve-nümâ gördi yine mugbeçe bizden

Ey pîr-i mugân söyle ne gördü hele sizden

Dad aldı meger duhter-i rez kim o kızıdan*

Bir dem komadı sîb-i zenehdânı ağızdan

Tüf eyleyecek agzımı kırdı çökelekle

3 Her nesne bilir zâtını esmâsı nefiydir

Her birine bir hâssa-i tertîb-i vehebdir

Âdem sıfatı zât ile esrâr-ı acebdir

Gül lâle karanfil ruhuna reng nesidir

Yaz vakdi geçer mi ola bir dâne çiçekle

4 Kıl gibi üzüldü yüregim gel beni üzme

Meşşâta-i kudret kalemidir yeni düzme

Samurdan urulmasa arak-çînini yüzme

Maksûd ise zîr-i fese safdır anı çözme

Sevdâ-yı dili kâkül-i şivesine ekle

5 Dâmân-ı murâda yürü dest-i talebi sür

Ol goncanın ayagina rûy-ı edebi sür

Sen sâcid o mescûd yürü rûz şebi sür

Hâk-i reh-i âmâle yüzün Ka'be gibi sür

Ey haste-i bîçâre ser-i kûyunu bekle

6 Böldürme sakın merkezini sa'y-ı devâmın

Böyle geçe tanzîmi vü tenkîsi nizâmın

Gâyâtı bulunmaz ebedâ emr ü merâmın

Ben aşkdan aldım heme-i aşk-ı temâmın

Kim kurtulabilir acebâ böyle demekle

7 Aslâ olamaz kimse emirden geri ser-bâz

Bilir nola bilmezlenir ol kâmet-i mümtâz

Sâbit-kadem olmakla olur serv-i ser-efrâz

Ey Handî anın öpmek ile agzı aşınmaz

Kadri yücelir bir kişinin bûs-ı eşikle7

D.8

178

Feilâtün Feilâtün Feilâtün Feilün

- 1 Âşıkım ben sana ey gonca-i gülzâr-ı cefâ
Ya ne için darılırsın kuluna aşk bu yâ
Mübtelâ olalı bir şey demedim bari sana
Öldürür isen ur öldür de tükensin bu edâ
Öyle ya öyle ya benim neme lâzım gavgâ
- 2 Gayrısı olsa benim gönlümü âbâd eyler
Nev-zuhûr cevri u cefâyı ya kim icâd eyler
Dahi yâd etmede hûblar bunu mu'tâd eyler
Hep el agzında âlem bunu bile yâd eyler
Öyle ya öyle ya benim neme lâzım gavgâ
- 3 Sana dil verdik ise âh elinden yandık
Yeter oldu bu kadar zehr-i belâyâ kandık
Azıcık tut dilini biz yakamız kurtardık
Kerem eyle yeter oldu sus efendim artık
Öyle ya öyle ya benim neme lâzım gavgâ
- 4 Bana şimdengeri mahbûblugunu arz etme
Dil-i vîrânımı beyhûde yere incitme
İster isen de bile meclise gelme gitme
Sana söz söyler isem haddin ise işitme
Öyle ya öyle ya benim neme lâzım gavgâ

- 5 Bir iki kere sana arz-ı muhabbet etdim
Handî dil-hande diye gizlice sohbet etdim
Hûblugun geçdi diye ben sana ülfet etdim
Sen sanırsın ki sana meyl-i meveddet etdim
Öyle ya öyle ya benim neme lâzım gavgâ
D.15/16

189

Felâtün Feilâtün Feilâtün Feilün

- 1 Âşık oldum sana ey gonca-i gülzâr-ı cefâ
Perçemin rişteleri başıma sardı sevdâ
Böyle beyhûde yere bana eziyet ne ola
Bağırır çağırırım böyle sitem etme bana
Öyle ya öyle ya benim neme lâzım gavgâ
- 2 Bir ağızdan hepimiz yâr sana yalvardık
Sen gülerdin biz ise gül yüzüne aglardık
Bizi terk eylediginden yakamız kurtardık
Bu sitem sözleri terk et sus efendim artık
Öyle ya öyle ya benim neme lâzım gavgâ
- 3 Darılırsan da darıl ben çekemem bu ele mi
Yohsa yetmez mi belâlî başımın derd ü gamı
Sana âşık olan adamlar a zâlim öle mi
Ne edersin ikide birde bana bu sitemi
Öyle ya öyle ya benim neme lâzım gavgâ
- 4 Sende de var ise noksân biraz bizde de var

Sana da çokca bahâne bulamam ben bu kadar

Vâr ise hakkım a zâlim sakın etme inkâr

Yeter oldu yeter artık beni gamdan kurtar

Öyle ya öyle ya benim neme lâzım gavgâ

5 Handî Handî diye diye beni rüsvâ etdin

Perçemin fikrini başa kara sevdâ etdin

Gözümün yaşın akıtdın yedi deryâ etdin

Sen geçenlerde benimle kuru kavga etdin

Öyle ya öyle ya benim neme lâzım gavgâ

D.15/16

1910

Feilâtün Feilâtün Feilâtün Feilün

1 Ey gül-i bâg-ı cefâ sen ne satarsın bilmem

Bu ağızla acabâ sen ne satarsın bilmem

Ey perî vahşî-edâ sen ne satarsın bilmem

Var yürü hey budala sen ne satarsın bilmem

Vâh zavallı fukarâ sen ne satarsın bilmem

2 Sen sanursun ki seni biz severiz ey meh-veş

Orta yerde dahi beyhûde yakarsın âteş

Var yürü dengin ara hâsılı denginle güleş

Böyle bâzâr-ı muhabbetde gezersin serkeş

Vâh zavallı fukarâ sen ne satarsın bilmem

3 Âteş-i reşke tutuşdu dahi elin engin

Yâr haddin ise şöyle azıcık öyle çekin

Garazın fehm ederim bana beyân etmedigin

Agzının oynayışından bilirim diyeceğin

Vâh zavallı fukarâ sen ne satarsın bilmem

4 Der imişsin ki benim hakkıma Handî neyler

Bana yakmış abayı derd-i derûnda peyler

Ko dökülsün ayaga bari kadehler meyler

Hem demişsin benim üstüme gazeller söyler

Vâh zavallı fukarâ sen ne satarsın bilmem

D.16

20

Muhammes-i Dîger

Feilâtün Feilâtün Feilâtün Feilün

1 Seni ey âfet-i gam-dîde bu dîdem görsün

Bâri ser-tâ-be-kadem cisini hurrem görsün

Merdümüm merdümek-i çeşmini her dem görsün

Aks-i bîmârınım savt-ı muharrem görsün

Âlem-i cân u cihân bari bir âlem görsün

2 Taşmasın duhter-i rez ma'nî-i ebkârın ile

Sâkiyâ neşve-i Cem coşmaya güftârın ile

Eglenem tûtîveş âyine-i ruhsârın ile

Terk-i cennet ederim hâhiş-i dîdârın ile

Dem-i vuslatda efendim gözün âdem görsün

3 Katre katre dökülen hûn-ı firâk-ı çeşmim

Renkler zâhir eder reng-i nifâk-ı çeşmim

Tatmasın çâşni-i la'l-i mezâk-ı çeşmim

Görmesin dîde-i hussâd revâk-ı çeşmim

Çarh bir hûn-ı şehîdân-ı muharrem görsün

- 4 Bezm-i rezmân mahabetinde de yok emniyyet

Cûylar eyleyemez neşve ile germ-ülfet

Kûh-ı yâkûtda besbelli bu reng-i hürmet

Câm-ı lebrîz-i firâk ise de cism-i hasret

Zâhidâ nûş ede gör bâri gözün dem görsün

- 5 Yeter aglatma efendim dil-i pür-feryâdı

Bari ta'mîr edelim hem bu harâb-âbâdı

Ayn-ı tedkîk ile nakş eyleyelim Bihzâdı

Kalmasın habâb-ı hasretde nigâh-ı âdî

Handiyâ dîdelerin zevk-i dem-â-dem görsün

D.16

21

Tazmîn-i Beyt-i Mezkûru

Mefûlû Mefâîlû Mefâîlû Feûlûn

- 1 Yanmaz mı sanırsın dil-i uşşâkı yanar ya

Anmaz mı seni her nefes aşk ile anar ya

Sevdigini sanma kanamaz cân kanar ya

Tîg-i sitemin urdugu her zahm kanar ya

Dil murgu havalansa gül ü nahle konar ya

- 2 Ey şûh-ı cefâ-pîşe bize böylece iş ne

Agyâr ile agız agıza gûyâ bu dâniş ne

Ol gözleri bakışları urdu dil-i teşne

Dedim lebini emse kanar mı dili teşne

Ol kumru gülüşlüm dedi naz ile kanar ya

3 Şimşîr-i sitem ile dil-i zârı delerdi
Bilmem o perî bizlere ya diş mi bilirdi
Bîmâr-ı tenim tîr-i gam-ı yâr delerdi
Bûlbûl bile bayıldı bu reşk ile gülerdi
Altın kafese sayd-ı şikâr oldu kanarya

4 Ey dest-i cefâ müşkil-i hicrân ise beste
Bâd-ı eleminden kırılır sünbûl-i deste
Bu mihnet-i hicrân beni eyledi haste
Seng-i sitem-endâz ile dil oldu şikeste
Bir kâse-i billûrî taş atılsa sınar ya

5 Artık ey efendim seni gâyetde begendim
Sen dahi dedin Handî benim işte menendim
Ey gonca-dehen söyle ki n’etdim sana kendim
Tecrübede ref’ oldu mu dünyâdan efendim
Mahbûb olan üftâdesini çünkü tınar ya

D.17

22

Tazmîn-i Müfred-i Mezkûru

Mefâîlün Mefâîlün Mefâîlün Mefâîlün

1 Taleb-kâr-ı visâl-i yaradana bî-emek durmaz
Enîs ister gönül mülkünde bir baş ile yek durmaz
Cefâlar etmeden asla o şehbâz-ı felek durmaz
Sebât-ı pây ile pergâr-veş merkezde pek durmaz
Ne ser-keşdir ki başı gökde uçar ol melek durmaz

2 Harîsim vaslına ammâ el ermez yok durur çâre

Ne mümkün saydına dâm-ı muhabbet kâr eder yâre

Ümîdim kat' olunsa çâre yokdur ol cefâ-kâra

Uçurdumsa kebuter-bâzımı kaldımsa âvâre

Gönül bir mâh-rûya çift olur elbet de tek turmaz

3 Tenezzül eylemez alçaklara gökde uçar başı

Nice vasf eyleyem nice diyem ol şûh-ı kallâşı

Mu'allâ seyr-i zühre yıldızıdır anın oynaşı

Ne denli va'deler etmiştir ammâ hîleden nâşî

İnanmam ahd-i peymânına ol sîmîn bilek durmaz

4 Felek-meşrebligidir hâl-i dilân olamaz âgâh

Belâ-yı mübrim etmiş başıma ol âfeti Allâh

Nigâhı düzdî-i hûnî dü cismi gamzesi gümrâh

Hemân zann eylerem cân çıkmak ister yüz bütün nâgâh

Dahi gördükce ol mâhveşi oynar yürek durmaz*

5 Gönül uslanmaz asla bir münâsib şîvekâr ister

Olup vaslıla magrûr [ol]cihânda iftihâr ister

Sarıp mûy-ı miyânın dil zarîfâne medâr ister

Ser-â-pâ ol sanem bu gösterişde der-kenâr ister

Cidâr-ı Ka'be'ye Handî eger ursam direk durmaz

D.18

23

Muhammes-i Handî

Feilâtün Feilâtün Feilâtün Feilün

1 Cevher-i hâlis-i gencîne-i kudret sensin

Nûr-bahş-ı suver-i çeşm-i basîret sensin

Zîver-i efzâ-yı evreng-i melâhat sensin

Zîb-bahşâ-yı felek ol meh-i tal'at sensin

Bu güzellik ile hurşîd-i letâfet sensin

2 Seni ben sûret-i âyine-i izzet gördüm

Mâlik-i hüsn ü edâ şûh-ı kıyâfet gördüm

Şöyle bir serv-i gül-i bâg-ı letâfet gördüm

Senden evvelleri ben kim nice âfet gördüm

Cümlesinden ileri ahsen-i sûret sensin

3 Serv-kad mûy-miyân sîm-beden hoş-reftâr

Mâşa'allâh o hâl o hat o meh-i ruhsâr

O zarâfet o nezâket yakışır sana hezâr

O bakış ol yayınış o kaş o göz sende ki var

Fitne-i râbîta-i rûz-ı kıyâmet sensin

4 Sen o nev-reste-edâsın ki hüsünde tekâmîl

Kimden etdin aceb ol fenn-i edâyı tahsîl

Aydın on dördüne benzetdim âfetim seni bil

Bu kararca yetişir yâr ne hâcet tafsîl

Sâhib-i mertebe-i tâc u kerâmet sensin

5 Sen bilirsin ki güzelsin bu şekil ey gül-fem

Eylesin Handî-i bî-çâre bî-şâd u hurrem

Bundan artık sana ey şâh-ı cihânım ne diyem

Emr edersin bana bir cân için et teslîmem

Hüsrev-i memleket-i nâz u nezâket sensin

D.18

Mefûlû Mefâilû Mefâilû Feûlûn

- 1 Aşk ehli derûnunda gamın eyledi peydâ

Râgıb geçinir aşkın ile her dil-i şeydâ

El-hubbu ile'l-hubbi tezeyyüd ü mezîdâ

Erbâb-ı şehâdet yüzünü gördü ferîdâ

Allâhu şehîd ve-kefâ billâhi şehîdâ

- 2 Bu mes'eleyi bilmeyen ashâb-ı mesâ'il

Fark eylemeye fırka-i efvâc-ı tecâhül

Görmez dahi hem gösteremez ehl-i tegâfûl

Gün yüzünü gördü kim için şâhid-i âdil

Allâhu şehîd ve-kefâ billâhi şehîdâ

- 3 Sevdâ-yı cünûn aşka tayandı geri geçdi

İhrâk-ı derûnumda yedi ahteri geçdi

Aldı öte cânibden o âteş beri geçdi

İsbât-ı vücûd eyledi kim bir yeri geçdi

Allâhu şehîd ve-kefâ billâhi şehîdâ

- 4 Esrâr-ı muhabbetle ezel böyle habîrim

Migfer-zede-i tâk-ı felek ulu emîrim

Evc-i şûh-ı cihânın ser-i zülfünde esîrim

Vallâh u billâh şehâdetle basîrim

Allâhu şehîd ve-kefâ billâhi şehîdâ

- 5 Handî nola Cibrîl-i akl kâsıdım olsun

Ahd-i ezele âhid-i dil âhidim olsun

Tûtî-i mukaddes sühânı nâşidim olsun

Dîdârını gördüğüm için şâhidim olsun

Allâhu şehîd ve-kefâ billâhi şehîdâ

D.29

25

Gazel-i Handî Tahmîs-i Hicâbî

Der-Midhat-i Şâh-ı Melâhat

Fâilâtün Fâilâtün Fâilâtün Fâilün

1 Milket-i hüsnünde cânâ zamm-ı hamm gîsû seni

Eylemiş sâhib-hadem hem ol iki ebrû seni

Vasf eder bülbül gül-i gülzâra bir hod-rû seni

Görse kim görmez aceb ey kâmet-i dil-cû seni

Şemse benzetmiş Hüdâ dünyâda ey hûb-rû seni

2 Hıdmetin bâbında cânın bezl eden sâdıkların

Âh eder dâim visâlin bezmine lâyıkların

Hasret-i firkatle nâr-ı aşkına yanıkların

Ey kemân-ebrû nice sabr eylesin âşıkların

Şâh-ı hûbân diye vasf eyler durur o bu seni

3 Mihr [ü] meh kevkeb-nümâ pâkize-ten hûr-ı cinân

Perver-i kadr-girân-ı âlî-neseb hûb-ı zamân

Öyle bir âyine-i gîtî-nümâ kaşlar kemân

Hüsnü Yûsuf kaddi tûbâ gitdi nâzik el-amân

Ya'ni âhû gösterir ol gamze-i câdû seni

4 Reşk eder nâzik hırâmın görse serv-i yâsemen

Verd-i ahmer ruhları dendân dürer hokka dehen

Harf-i bismillâhdır çeşm tûtî-i şîrîn-sühan

Tab'ı nâzik mâh-peyker ser-te-ser kâfûr teni

Bundan efzûn medh edem yâ hû seni yâ hû seni

D.3

26

Gazel-i Sâni Tahmîs-i Handî

Mefûlû Mefâilû Mefâilû Feûlûn

1 Aslâ bu tahâretinde de nakş-ı heyûlâ *

Ermez var iken nûr-ı muhabbet yed-i tûlâ

Bir râz-ı hakikat der o kim kimse demez lâ

Aşkdır eden ol âyine-i kalbi mücellâ

Aşkıla bulur hem dil-i nâ-şâd tesellâ

2 Bir mihr-i cihân-tâb verir dâne-i kalbe

Nakş-âver oluruz piş-i kâşâne-i kalbe

Bir şâh-ı cihân geldi bu vîrâne-i kalbe

Ben hâne-i ulyâ derim ol hâne-i kalbe

Bu matla'-ı kalbimde zuhûr etdi tevellâ

3 Ser-rişte-i dil arş-ı berîne mütelâhık

Vâbestedir ânın ile ol ahd-i sevâbık

Esrâr-ı yedullâhdadır remz-i dakâyık

Mürşîde yanaş kim bulasın sırr-ı hakâyık

Hakkında nüzûl etdi bu nutk-ı fetedellâ

4 Ey zâikatü'l-mevte be-her nefis-i mukassem

Lâ-büd bu durur cümleye bir emr-i mukaddem

Etdim bunu ben levh-i dil-i zâra teressüm

În-câ'ehü'l-a'mâya çekerci beni nefsim

Bin kerre nazar etdi gönül beytine Mevlâ

5 Handî kime ifşâ edeyim râz-ı nihânı

Ref' etmeyicek dilde olan zann u gümânı

Öz nefsinı bil aynına gel alma cihânı

Sen etme nazar kimsenin ef'âline Sâni

Hayrihi ve-şerrihî minallâhi ta'âlâ

D.3/4

27

Gazel-i Hâkî Tahmîs-i Handî

Mefâîlün Mefâîlün Mefâîlün Mefâîlün

1 Tarâvet hâsıl eyler düşse şebnem berg ü bâr üzre

Hezârın âşiyânı nâbit olmaz şâh-sâr üzre

Nesîm-i subh-ı rahmet istemezse gül-i zâr üzre

Sular gül-berg-i handânı döker hâk-i gubâr üzre

Eger feyz almasa pervâne per çekmezdi nâr üzre

2 Nazar kıl dîde-i ibret ile mir'at-i devrâne

Kemâl-i fazl-ı Mevlâ'yı temâşâ kıl hakîmâne

Nice yüz bin şerâfet bahş kılmış hüsn-i insâna

Makâl-i ta'n-ı a'dâdan ne gam erbâb-ı irfâna

Atarlar seni harâbî dıraht-ı mîve-dâr üzre

3 Semî'âna urâfet dinlesin bu nutkumu yigrek

Hünerdir cân kulagında tutup mefhûmu berk etmek

Hücûm-ı mihnet-i endûh def' olmak için gerçek

Adûv eşrârını def' eylemek çün âh âşık teg

Kazâ medfa'ların vaz' eylemiş mevlâ hasâr üzre

- 4 Zihî ilm ü hünerdir hak bu kim dehre ferîd olmak
Velî mahlûka lâyıkdır belirmek nâ-bed'îd olmak
Şekâvetden geçip mahz-ı kerâmetden sa'îd olmak
Cenâb-ı Hakk'a lâyık bir karâr üzre vahîd olmak
Temâşâ kıl cihânın hükmü sürmez bir karâr üzre
- 5 Sipâs ü hamd şükret Handiyâ ol matlabın noldu
Vücûd iklîmi el-minnet ser-â-ser nûr ile doldu
Bu terkîb-i muhabbet idi ahsen aslını buldu
Yine Hâkî'yle yeksân oldu âhir bilmedi n'oldu
Süleymân etmedi icrâ-yı hükmün iftihâr üzre

D.16/17

28

Tahmîs-i Handî

Mefûlû Mefâîlû Mefâîlû Feûlûn

- 1 Üstâd-ı cihân mât kalır mes'elemizden
Hayret-zededir gûş-ı felek menzilemizden
Lerziş-ver olur halk-ı cihân velvelemizden
Âfâk taşar teşnever-i kulkulemizden
Düşe dü cihân darbe-ger-i zelzelemizden
- 2 Ser-menzil-i Mısr-ı dile ger câmi'-i aşk ol
Nebl-i kerem ü himmeti bul râfi'-i aşk ol
Dinle sözümü hakkımı bil sâmi'-i aşk ol
Ey gûş-ı Züleyhâ dolıcak kâni'-i aşk ol
Feryâda düşer Yûsuf-ı cân gulgulemizden
- 3 Dil-hâh ise ol hükm-i meserret elimizden

Her vech ile kânûn-ı adâlet elimizden

Bir bir okuruz harf-i nezâket elimizden

Gülşende kalıp câm-ı muhabbet elimizden

Bülbül bile ser-mest yatur belâlimizden

4 Aslâ anamam bu haberi çarha ber-îşân

Mahzâ ki gönül şâdî ile vâlih ü hayrân

Bilmem ki sürer mi acebâ bu dem-i devrân

Sensiz ise gül-bâ-şeker bu şaşı hûbân*

Bir lokması geçmez sanemâ havsalamızdan

5 Sayyâd-ı kalem-bâz-ı gönül çıkdı şikâra

Handî iki başdan iki göz degdi nigâra

Bu nüktede iş var nazar et harf-i medâra

Bir cüzde ter akıtmayıcak ârız-ı yâra

Bir lü'lü'-i sünbül mü düşer sünbülemizden

D.17/18

29

Gazel-i Eşrefoglu Rûmî

Tahmîs-i Handî Efendi

Mefâîlün Mefâîlün Mefâîlün Mefâîlün

1 Şu yüzde varlığın şâhid gerekdir dîde-i insân

Ve lâkin her bir insana degildir behre bu seyrân

Cemâlin pertevinden aks alıp âyine-i devrân

Tecellî şevki dîdârın beni mest eyledi hayrân

Ene'l-Hak sırrını candan anınçün kılmazam pinhân

2 *Rumûzât-ı İlâhîdir benim her nutk u güftârim*

Hezârân vahyden âsârdır enfâs-ı âsârım

Makâm-ı arşdan rü'yet getirdi seyr-i izhârım

Semâda seyr eder sırrım cihânı tutdu envârım

Mukaddesler cemîsi benüm sırrımda ser-gerdân

3 *Benim ilm-i nihânımdan makâm-ı menzilim ma'lûm*

Tenekkürden müberrâdır kamu ma'lûme-i mektûm

Emir geldim benim emrim komaz bir kimseyi mahrûm

Çürümüş tenlere bir kez eger dersem bi-iznî kum

Yalın ayak ü baş açık duralar kamusu uryân

4 *Hicâb-ı âriyyetden keşf olur bana kamu yüzler*

Behişt-i rü'yetinden müstevîdir pîşeler düzler

Degil mahrûm seyrimle bu süfûfda gören gözler

Bu ay ü gün bu yıldızlar bu geceler bu gündüzler

Bu yazlar kışlar ü güzler benim emrimdedir yeksân

5 *Kemâl-i zât-ı tevhîde bekâ billâh mahremdi*

Olur kim hakkı bâtıldan seçen zîşân-ı ekremdi

Ben ol kutbum kamu vâriyyetim ma'lûm ola imdi

Cihân tılsımının bendi benüm elümdedir şimdi

Benim bugün bu meydanda benimdir top ile çevgân

6 *Bilenler ilm ü irfânı tecellîye olur hâiz*

Velî sûretde bi'l-cümle olur derece-i nâcîz

Hayât-efzâ-yı cândır her sözüm fehim eden nâkız

Benim ilm-i ledünnümde hezârân Hızır olur âcîz

Benim her bir tecellîimde nice bin Mûsiler hayrân

7 *Adım Handî velî ammâ suverde belli tahkîki*

Sakın hem-sûret-i Rahmândan gel kılma tefrîki

Beyân etdim cemâl-i mutlakı ya sûret-i Hakk'ı

Sanırsın Eşrefoglu'yam ne Rûmî'yem ne İznîkî

Benim ol dâim ü bâkî göründüm sûretâ insân

D.30

3011

Mefâîlün Mefâîlün

1 Yeter cevri eyleme cânâ

Yazıktır bana yazıktır

Nedir bu nâz u istignâ

Yazıktır bana yazıktır

2 Senin oldumsa kurbânın

Tutardım emr ü fermânın

Beni öldürdü hicrânın

Yazıktır bana yazıktır

3 Gece gündüz kılam efgân

Gezerdim vâlih ü hayrân

Nedir bu cevri-i bî-pâyân

Yazıktır bana yazıktır

4 Gönül verdim sana ol dem

Dökerdim didelerden nem

Beni zem etmede âlem

Yazıktır bana yazıktır

5 Gönül hiç olmadı rûşen

Ya ben kanda tutam mesken

Eger öldürmek istersen

Yazıkdır bana yazıkdır

6 Adûlar vaslına mahrem

Olurlar ey yüzü gül-fem

Beni aglatma gel her dem

Yazıkdır bana yazıkdır

7 Tamâm mahbûb-ı âlemsin

Kulun Handî'ye elzemsin

Bu cevri ile müsellemsin

Yazıkdır bana yazıkdır

[D.22/23](#)

KAYNAKLAR

ACAROĞLU, M. Türker (1988), *Bulgaristan'da Türkçe Yer Adları Kılavuzu*, Ankara.

AGÂH SIRRI LEVEND(1988), *Türk Edebiyatı Tarihi*,Ankara.

CANIM, Rıdvan(1995), *Edirne Şairleri*, Ankara.

ESRAR DEDE(2000), *Tezkire-i Şuarâ-yı Mevleviyye*, (hzl.İlhan Genç),Ankara.

EVLİYA ÇELEBİ (2002), *Seyahatnâme*, (hzl. Seyit Ali Kahraman-Yücel Dağlı), İstanbul.

ESRAR DEDE(2000), *Tezkire-i Şuarâ-yı Mevleviyye*, (hzl.İlhan Genç), AKM, Ankara.

FEDAİ, Harid (1993), "Kıbristan Divan Sahibi Bir Şair: Handî" *Uluslar arası Üçüncü Türk Kültürü Kongresi Bildirileri*, 25-29 Eylül 1993 Ankara, C.2, AKM.

FEDAİ, Harid (2003), *Handî Dîvânı – 1*, Ankara.

FINDIKLILI İSMET EFENDİ(1989), *Tekmiletü's-Şakâik, Şakâik-i Numaniye ve Zeyilleri*, (hzl. Abdülkadir Özcan), İstanbul.

KAZASKER SALİM EFENDİ(1315), *Tezkire-i Salim*, İstanbul.

MEHMET NAİL TUMAN(2001), *Tuhfe-i Nâilî, Divan Şairlerinin Muhtasar Biyografileri*, I-II (hızl.C.Kurnaz-M.Tatçı), Ankara.

MEHMET SÜREYYA(1996), *Sicill-i Osmanî*, İstanbul.

DİPNOTLAR

- Gazi Üniv. Sosyal Bilimler Enstitüsü, Araştırma Görevlisi

Orijinal metinde “Tercî-Bend-i Diğer” şeklinde verilmiştir.

[2](#) Orijinal metinde “Tercî-Bend-i Rengîn-edâ” başlığıyla verilmiştir.

[3](#) Orijinal metinde “Müseddes-i Muracca” başlığıyla verilmiştir.

[4](#) Orijinal metinde “Müseddes-i Muracca” başlığıyla verilmiştir.

[5](#) Şiirin baş kısmı orijinal metinde yer almamaktadır.

[6](#) Orijinal metinde “Muhammes-i Tercî” adıyla verilmiştir.

[7](#) Orijinal metinde bu şiirin sonunda şu ifadeler yer almaktadır: " Aslâ olamaz kimse emrüne gerü ser yazılır nola bilmezlenür ve ol kâmet-i mümtâz. Kibâr-ı hüsn Muhammed Ahmed Osman Hüseyin Hasan Cemâl İzzet astıfâ yolu."

[8](#) Orijinal metinde şiirden önce “Dülger Ömerzâde Hâfız Ahmed Efendi Hûbân-ı Cihân Olup Etvâr-ı Nâ-pesendîde ile Âşık Çelebi Sulbesinde Bulunmagla Tanzîm Olan” cümlesi bulunmaktadır.

[9](#) Orijinal metinde şiirin başında “tercîh olunmuşdur” ibaresi yer almaktadır.

[10](#) Orijinal metinde şiirden önce "Muhammes tercî-bend ki zıdd-ı aleyh tanzîm olunmuşdur” cümlesi yer alır.

[11](#) Orijinal metinde, gazeller arasında yer alan bu şiir; bir murabba'-ı mütekerrirdir.